



Broj: 03-05-05-7917/17
Sarajevo, 22.06.2017. godine

Na osnovu člana 29. stav 1. Zakona o udruženjima i fondacijama ("Službene novine Federacije BiH", broj 45/02), a po zahtjevu Udruženja "Sindikata Kliničkog centra Univerziteta u Sarajevu" Sarajevo, Ministarstvo pravde i uprave d o n o s i

R J E Š E N J E

1. Upisuje se u registar udruženja koji se vodi kod Ministarstva pravde i uprave Kantona Sarajevo **Udruženje "Sindikata Kliničkog centra Univerziteta u Sarajevu" Sarajevo**, skraćeni naziv je **"Sindikata KCUS" Sarajevo**, sa sjedištem u Sarajevu, ulica BOLNIČKA broj 25.

2. Upis je izvršen pod registarskim brojem 2265. knjiga V registra udruženja, dana 22.06.2017. godine.

3. Programski ciljevi i zadaci Udruženja su: stvaranje, održavanje i unaprijeđivanje pravnih i ekonomskih uslova koji omogućuju ostvarivanje u što većem obimu radnih i socijalnih prava članova Sindikata, uključujući i cijenu rada; utvrđivanje jedinstvene strategije u kolektivnom pregovaranju; zaštitu radnih i socijalnih prava zagarantovanih pojedinačnim, granskim, opštim i drugim kolektivnim ugovorima, opštim i posebnim aktima poslodavca, te imperativnim propisima iz oblasti radnog i socijalnog prava; očuvanje realnog standarda članstva i radnika u zdravstvu; poboljšanje radnih i socijalnih uslova članstva; pružanje pravne i finansijske pomoći članstvu; edukaciju članstva, uključujući finansiranje, sufinansiranje, stipendiranje članstva u smislu edukacije, dodatne edukacije, doškoloovanja i prekvalifikacije; organizovanje sportskih aktivnosti; aktivnu promociju programskih ciljeva Sindikata radi poticaja mladih zdravstvenih radnika na učlanjenje u Sindikat i njihovo učlanjenje u aktivnosti Sindikata; očuvanje postojećih radnih mjesta i poticanje zapošljavanja novih radnika; organizovanje ili učešće u aktivnostima koje doprinose u jačanju ugleda Sindikata, njegovog materijalnog i finansijskog položaja, u cilju ostvarivanja što većih radnih i socijalnih prava članstva.

4. Osoba ovlaštena za zastupanje i predstavljanje je: Dženana Hrustemović - Predsjednica Sindikata.

O b r a z l o ž e n j e

Udruženje "Sindikata Kliničkog centra Univerziteta u Sarajevu" Sarajevo, dostavilo je dana 09.06.2017.godine zahtjev za upis u registar udruženja, koji se vodi kod ovog ministarstva.

Uz zahtjev za upis u registar udruženja (Obrazac br.3) priložena je sva potrebna dokumentacija u skladu sa članom 28. Zakona o udruženjima i fondacijama i članom 5. stav 1. Pravilnika o načinu vođenja registra udruženja i fondacija i stranih međunarodnih nevladinih organizacija ("Službene novine Federacije BiH" broj: 61/02) i to: Odluka o osnivanju Udruženja, Popis članova upravnog



tijela (Obrazac br.5), Podaci o osnivaču (Obrazac br.4 i fotokopije ličnih karata osnivača), Odluka o zastupanju i predstavljanju Udruženja, saglasnost Kliničkog centra Univerziteta u Sarajevu, broj: 0203-28061 od 19.06.2017. godine o korištenju naziva Kliničkog centra u nazivu Udruženja, te Statut Udruženja.

Uvidom u priloženu dokumentaciju utvrđeno je da su ispunjeni svi zakonski uslovi za upis u registar navedenog udruženja, pa je zbog toga riješeno kao u dispozitivu Rješenja.

Rješenje se izdaje uz naknadu za upis udruženja, a shodno Rješenju o visini naknade za upis u Registar udruženja broj 03-02-312/03 od 10.01.2003. godine i uz naplatu takse sa članom 19. tarifni broj 36. Zakona o administrativnim taksama ("Službene novine Kantona Sarajevo", broj 30/01 - Prečišćeni tekst 22/02, 10/05, 26/08 i 23/16) na žiro račun Kantona Sarajevo broj: 3380002210019263.

Pouka o pravnom lijeku: Ovo rješenje je konačno, te protiv njega nije dopuštena žalba, ali se može pokrenuti upravni spor, tužbom kod Kantonalnog suda u Sarajevu u roku od 30 dana od dana prijema ovog rješenja.

Tužba se podnosi u dva istovjetna primjerka, a uz istu se prilaže i ovo rješenje u originalu ili prepisu.

M I N I S T A R

Mario Nenadić



Dostaviti:

1. Udruženju;
2. Federalnom ministarstvu pravde;
3. Ministarstvu zdravstva Kantona Sarajevo;
4. Zbirci isprava;
5. JP NIO "Sl.List BiH";
6. Porezna uprava Federacije BiH
Porezni ured Sarajevo
Ul. Husrefa Redžića 4, Sarajevo;
7. Arhivi.



web: <http://mpu.ks.gov.ba>
e-mail: mpu@mpu.ks.gov.ba
Tel: + 387 (0) 33 562-083, Fax: + 387 (0) 33 562-241
Sarajevo, Reisa Džemaludina Čauševića 1

